


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-52	At-Thur	49	2	Makkiyyah	Ke-76	3



Zaman Diturunkan

Surah at-Thur seperti Surah al-Haaqqah diturunkan selepas da'wah secara terbuka dilancarkan oleh Rasulullah di peringkat kedua kehidupan Baginda di Mekah iaitu sekitar tahun ke-4 hingga ke-5 Kenabian. Peringkat kehidupan Rasulullah itu juga disebut sebagai peringkat تذكير (memberi peringatan) dan peringkat pelbagai tuduhan seperti gila, penyair, tukang tenun, orang yang mengada-adakan cerita dan lain-lain dilemparkan kepada Baginda. (Ayat: 29-30).

فَذَكِّرْ فَمَا أَنْتَ بِنِعْمَةِ رَبِّكَ بِكَاهِنٍ وَلَا جُنُونٍ ۝ أَمْ يَقُولُونَ شَاعِرٌ

(Ayat: 33).

أَمْ يَقُولُونَ تَقْوَلُهُ

Di dalam Surah al-Haaqqah juga tersebut Rasulullah s.a.w. dituduh mengada-adakan cerita (تَقْوَلُ).

Perkaitan Surah At-Thur Dengan Surah Sebelum Dan Selepasnya

1. Surah at-Thur juga seperti Surah az-Dzariyaat sebelumnya mengandungi tema hari akhirat. Di dalam Surah az-Dzariyaat tersebut إِنَّ الدِّينَ لَوَاقِعٌ (Ayat: 6). Firman Allah ini membuktikan pasti akan berlakunya hari kiamat. Di dalam Surah at-Thur ini pula tersebut إِنَّ عَذَابَ رَبِّكَ لَوَاقِعٌ (Ayat: 7). Firman Allah ini juga membuktikan perkara yang sama.
2. Di dalam Surah at-Thur ini, soalan demi soalan ditujukan kepada hati sanubari manusia untuk menyedarkannya supaya ia menerima dan percaya akan adanya hari kiamat dan hari kemudian.
3. Di dalam Surah az-Dzariyaat ayat ke-53, pemimpin-pemimpin musyrikin Mekah digelar dengan قوم طاغون (kaum yang melampaui batas), di dalam Surah at-Thur ini juga pada ayat ke-32 mereka diberi gelaran yang sama iaitu قوم طاغون.

Beberapa Kata Kunci Dan Tema Utama Surah

1. Melalui firman Allah (Ayat: 12):

الَّذِينَ هُمْ فِي خَوْضٍ يَلْعَبُونَ ۝

Sikap orang-orang musyrikin Mekah yang begitu tidak serius dan tidak mementingkan seruan al-Qur'an dan juga seruan tauhid didedahkan.

2. Melalui firman Allah (Ayat: 21):

وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ بِرِيمَنٍ أَلْحَقْنَا بِهِمْ ذُرِّيَّتَهُمْ

Diberitahu bahawa ibu bapa yang beriman akan dipertemukan dengan anak-anaknya yang beriman biar bagaimanapun keadaan mereka di hari akhirat nanti.

3. Melalui firman Allah (Ayat: 29):

فَذَكِّرْ مَا أَنْتَ بِنِعْمَتِ رَبِّكَ بِكَاهِنٍ وَلَا مَجْنُونٍ ﴿٢٩﴾

Orang-orang musyrikin diberi peringatan dan Rasulullah pula diberikan ketenangan bahawa meskipun dalam keadaan yang mencabar itu Baginda dituduh sebagai كاهن (tukang tenung) dan مَجْنُون (gila), teruskan saja kerja menasihati mereka dan menyeru mereka kepada ajaran tauhid.

4. Di dalam surah ini dalil-dalil عقلي bagi kebenaran ajaran tauhid dikemukakan dalam bentuk soalan-soalan (Ayat: 43):

أَمْ لَهُمْ إِلَهٌ غَيْرُ اللَّهِ سُبْحَانَ اللَّهِ عَمَّا يُشْرِكُونَ ﴿٤٣﴾

Ini adalah soalan yang terakhir daripada rangkaian-rangkaian soalan, maksudnya ialah jika kamu berusaha mendapatkan jawapan bagi soalan-soalan tersebut dengan hati kecilmu nescaya akhirnya kamu akan menerima juga ajaran tauhid dan menolak ajaran syirik.